

錦繡萬花谷續集

二

錦繡萬花谷續集卷之七

福州

詩



等閑田地多栽竹是處人家愛讀書飲宴直嘗千戶酒盤餐
 唯候兩湖魚龍昌期荔枝園裏佳人醉漁市煙中釣艇橫除
 却絃歌庠序外家家聞念佛經聲連真百貨隨潮船入市萬
 家酤酒戶垂簾蒼煙巷陌青榕老白露園林紫蔗甜程師孟
 萬戶管絃春賣酒三山鍾鼓曉參禪黃裳山圍碧玉神仙島
 地湧黃金宰相沙丹荔熟時堆錦繡翠榕空裏起龍蛇一燈
 塔上傳千億下照紅塵幾萬家羅疇潮田種稻重收穀山路
 逢人半是僧城裏三山千簇寺夜間七塔萬枝燈謝必蓬瀛
 城郭蓮峯碧錦繡園林荔子丹柯述怡山閣高城落日龍吟
 角遠水浮煙蛩吐樓程師孟曉山雲展千重障夜塔燈傳萬
 點星黃裳釣龍臺古臨滄海浴鳳池高入紫煙海上風流荔
 枝國人間瀟灑菊花天程師孟道山亭秀色遶簾山雨過
 鷗入座海潮來柯述茉莉曉迷瓊檻白荔枝秋映綺筵紅湛
 俞煙波漁父宅歌吹酒家樓程昭素潮迴畫楫三千隻春滿
 紅樓十萬家溫益熙春亭三山寶刹樓禪地萬戶青帘賣酒
 象林深之花底笙簫連酒市望中樓閣半僧家黃康民兩信
 潮生海接天魚蝦入市不論錢戶無酒禁人爭醉地少冬霜
 花正燃鮑祗藍田驛雲凝香篆迷禪刹風卷潮聲出海門郭

建寧府

詩

溪流玉雪三三曲山鎖煙霞六六峯李左史武夷山閩嶺夏
 雲迎皂蓋建溪秋水映紅旌劉禹錫玉龍倒影臥寒潭人在

雲霄天地寬借問是誰題此柱茂陵詞客到長安袁樞題南鄉橋昇真洞口接天門靈草丹桃日日春聽說列仙來瑞世三朝德業在斯民陳旻民過武夷

泉州

詩

鷹爪冬猶綠閣提夜更香王十朋千尋瀑布如飛練一簇人煙假畫圖泉州志蒼官影裏三州路漲海聲中萬國商李文敏飯思白石紅挑米菜憶黃龍紫芥心由魯公詩黃龍白石皆地名在南安縣水無涓滴不為用山至崔嵬猶力耕朱行

汀州

詩

蓬萊觀下瑞煙飄劉女曾經此地超桃園昔詣王母約煙霄自赴玉皇朝白鶴乘去人何在青鳥飛來信已遙若使何郎

有仙骨也須同引鳳凰簫

陳軒慈竹筍抽疑夏簾木犀花發

認春香

孫奮李

居人不記甌閩事遺跡空傳福撫山地有銅

鹽家自給歲無兵盜戍長閑

一川遠匯三溪水千嶂深圍

四面城花繼臘梅長不歇烏啼春谷半無名

山連庾嶺為

南徼水與潮陽作上流

並陳軒嵐煙蒸濕同梅嶺地脉逶迤

接贛城

鄭祥正

萬壘雲山擁郡樓凭闌下瞰卧龍湫二年吏

役何曾到辜負風清月白秋袁思永我愛汀州好山川秀所

鍾閣前橫瀟水亭畔列奇峯陳史君古驛森慈竹蓮城挺義

松同上蓮城縣有義松

向來曾醉呼猿洞亂石崩雲擁坐隅

誰料七閩煙瘴底半岩風物似西湖

蔡篤蒼玉洞

南劍州

詩

龍津劔窟古南州閣勢橫空占上游山色鎮留春色在水光

長帶宝光浮風簷綠條寒珠箔兩岸紅蕖隱釣舟胡部之體
溪閣化成丹碧出熬頭獨占閩川最上游兩劍合來靈一境
双流分处帶三洲古詩浪捲双溪神物化煙橫三岸電光飛
黃德美劍滯閣昨夜七星潭底見分明神劍化為龍胡曾

邵武軍

詩

溪上千峯碧玉環瞰溪臺榭紫雲間鳥啼花落非人世似在
金鰲山上山葉似鳳城南城北草如茵綠水青山眼界新更
問棋溪何處是滿城桃李乃家春同上曉嶂万重煙漠二春
臺四顧俗熙又天鍾秀氣魁文陛北湧山源接武夷表輟白
蘋風起浪生花尽日凭闌意思賒惟有夕陽時節好落霞搖
水鷓啼沙黃遍桂華散又吐秋風香滿碛城十里中李少江
南煙雨敵征輪行近樵陽景漸真鳥語乍聞如夢寐林光初
見長精神葉相伯万家簾幕重城裏百里溪山拍掌中饒察

吳化軍

詩

一方文武魁天下万里英雄入彀中神宗賜薛奕武卒第一
徐鐸擢進士第一長魚俎上通三印新名齊中試一旗王荆
公共樂臺前花木深登臨當暑豁衣襟紅垂荔子千家熟翠
擁簪當午畝陰老退已尋丘士服清徽時伴醉翁吟憑闌四
望曲阜稼差慰平生憂國心陳俊卿共樂堂

廣州

詩

不覺聲喧夜市海色潤朝臺殘角天邊月寒閉嶺上梅張翥露
繞龍川暗山連象郡遙刘長卿越嶺向南風景異人人傳說
到京城終冬來往不踏雪只在刺桐花上行朱慶餘夜月江

流闊春風嶺路深張祐去到番禺日雁傷昔所依炎州百口

住故國幾人歸劉長卿雲海南溟遠煙波北渚微賈至番禺

軍府盛欲說暫停孟益蓋海旌幢出連天觀闕開衙時龍石集

上日馬人來風靜鷓鴣去官廉蚌蛤回貨同獅子國樂奏越

王臺事又皆殊異无嫌屈大才韓愈送鄭旌連城虎踞山香

麗路入龍編海舶遙陸龜蒙千門日照真珠市万瓦煙生碧

玉城程師孟五月畚田收火米三更津吏報潮雞李德裕

韶州

詩

韶州南去接宣溪雲水蒼蒼日向西客淚數行先自落鷓鴣

休傍耳邊啼韓愈乘船泛鷓下韶江絕景方知在嶺南蘇嘉

兩餘山似染兼段煙尽水如藍日遊蕭帝新松寺夜宿嫦娥

挂影潭不為篋中書未獻便來此地結茅庵胡曾怪石嶼又

山谷卷七

上沈寔昔人於此奏簫韶王荆公岩頭風急樹欹斜溪畔漁

樵十數家老尽往涼名利客年年秋水映盧花章才邵過清

遠峽策部有遺韻流入武溪中孔平仲

循州

詩

行尽天涯意未休循州過了到梅州平生不慣乘肥馬老去

淚教過瘦牛楊誠齋有過瘦牛嶺霧分山遠近溪繞路縈回柳

潮州

詩

不意離家已五千仍將衰病入瀧船潮陽未到人先說海氣

昏又水拍天韓愈一封朝奏九重天夕貶潮陽路八千同上

風雨瘴昏蠻每日煙波魂漸惡溪村嶺頭无限相思淚泣向

寒梅近北枝李德裕記得幽人舊吟处獨遊亭在野橋西陳

文惠橫朝陽 休嗟城邑住天荒已得仙技耀故鄉從此方輿
載人物海邊鄒魯是潮陽 陳文惠送人登第歸潮陽

靜江府

詩

五嶺皆炎熱宜人獨桂林梅花万里外雪片一冬深 杜甫見
說南來處蒼梧接桂林過秋天更暖邊海日長陰 盧綸 碧挂
水連海蒼梧雲雨山茫茫從此去何路入秦關 楊衡 雨歇桂
林秋更暖瘴連梅嶺月多昏 宋傑 桂嶺花光紛似雪荔江波
色綠於苔 張謨 水歸交廣尽天入斗牛初 陶弼 八桂西南天
一握重江今古水雙流 王安中 日月通南極星河帶北流 同
上秦皇開郡為桂林古号名邦五嶺陰山琢玉參攢万疊江
分羅帶繞千尋 汪應辰 塹山堙谷北防胡南築堅城更遠裔
桂海冰天壁不動那知壠上兩耕夫 張孝祥 過秦城 二十四

州民樂否莫教一物怨途窮 嶺海通相逢經年颯霧中官
閑詩格道祿薄俸囊空 並孝祥 桂林住麗冠羣城父老從來
不識兵南嶠昔雖多勝既西湖今獨擅佳名 江文叔 雲深銅
柱邊吉樂月冷珠池海面平 范成大 梅花夜夜湘南雨捲葉
年年海北風 同上 桂林二十四岩洞杖履十年供醉遊 姚宋

柳州

詩

嶺樹垂遮千里日江流曲似九迴腸 柳宗元 青箬巖盤歸峒
客綠荷包飯趁虛人 林邑 山懸瘴海秋 特柯水向郡前流
祇應長作龍城守刺種庭前木槲花 林邑 東迴山似戟
特柯南下水如湯 海畔 尖山列劍鋸秋來处处割愁腸若
為化得身千億散上峯頭望故鄉 瘴江南 去入雲煙望尽
黃死是海邊山腹雨晴添象迹潭心日暖長蛟涎 並柳宗元

雷州

詩

風露清西館靜悄然懷舊一長歎海雲消尽金波冷半夜
無人獨凭闌飛來公正節有懷到海只十里過山應万重
登臨時一望海樹與雲平並寇公雷州別乘應危坐跨海清
光與子分東坡死謫憐忠愍生還喜子由荒祠連舊宅幾見
海雲秋折彦質城根万亩掌中平望極風煙接四溟張守

象州

詩

瘴水蛮江入洞流人家多住竹棚頭青山海上無城郭惟見
松排岫象州張籍過嶺逢人問象州瘴雲如海蹴天浮孫覿
消遠物外真仙府縹渺雲中小洞天應笑區區名利客渡頭
南北往來船張唐輔林端山翠撲窻前城下江聲過枕邊王
初瘴月到五更常不夜風來三伏涼生秋誰云嶺外皆炎熱
此是西南第一州趙守題寒碧亭

昭州

詩

千家來負郭四邑入提封双水碧一色羣山青万重名賢假
守昭平郡當門挂水清喜聞公事簡詩句等閑成陶商公數
家深峽重燈火似漁村客夢稀星外蟲声短草根髮疎怜枕
軟意倦竟燈昏待曉酌酒看梧葉莫舞魂陶商公過龍平

梧州

詩

松陰如幄水如羅秋盡山青白鳥過獨坐一庵心正寂數聲
何處竹枝歌鄭畋題白鶴觀瘴江山上重相見醉裏同看豈
蕊花李涉送樛守隨風身不定今夜到蒼梧客淚有時有

聲無處無周朴九疑聯綿屬衡湘蒼梧獨在天一方孤城吹
角煙樹裏落月未落江茫茫幽人撫枕坐嘆息我行忽至舜
所藏他年誰作輿地志海南萬里真吾鄉東坡峽泉飛暴雨
灘石走羣星水有瀟湘色猿同巴蜀聽今人思舜德一望九
疑青陶商翁峽口蒼梧縣城依南斗魁江渾潮海上地熱火
山來草沒嘉魚尤雲封拜表臺到應無獄訟苴菘酒頻開陶
商翁送呂濤典獄冰井有泓閑漱玉火山無燄謾生煙歐陽

潯洲

詩

兩巖長濺雨五月便驚秋姚嗣宗暢岩自廣直峇分十郡綿
龔引象列三江水歸東海流無盡山拱西祠勢若降蕭元不
記開山日煉丹惟葛仙清泉沁石滴孤嶂與天連只就岩爲
屋何須木作椽李度題清正觀玉山並處二峯寒咫尺星河
手可攀煉藥仙翁何處去空留丹竈在人間陳楊祖白石洞

昌化軍

詩

爛者發羹醯酒風流可惜在蠻村東坡有客南來自吉陽
始知僂耳本清涼潮聲捲海千峯雨月色侵門滿地霜李參政

吉陽軍

詩

獨上江亭望帝京鳥飛猶用半年程碧山也恐人歸去百匝
千遭遶郡城李德裕海風飄蕩水雲飛黎母山高月上遲千
里孤光一樽酒此情惟有故人知趙丞相程途何啻一萬里
戶口都無二百家丁晉公

錦繡萬花谷續集卷之七

錦繡萬花谷續集卷之八

武臣太尉

安劉

周勃重厚少文然安劉氏者必勃也可令為太尉後入北軍
誅諸呂前高祖紀

耀威奮武

鄧艾既平劉禪詔曰艾耀威奮武深入虜庭雖白起破強楚
韓信克勁趙吳漢擒子陽亞夫滅七國計功論美不足比勲
其以艾為太尉晉書

恨無官酬公

李德裕以劉稹誅策功拜太尉德裕固遜言唐興太尉惟七
人臣願守舊秩足矣帝曰吾恨無官酬公毋固辭本傳

齊七政訓五兵

陳蕃拜太尉遜曰齊七政訓五兵臣不如王暢汝南先賢傳
立五廟

李晟拜太尉詔為晟立五廟廟成官給牲牢祭器床帳禮官
相儀以稱焉本傳

旬月使者八至

巨温授太尉固遜不受旬月之中使者八至輶車相望於道
温遂領職晉中興書

三衙

聯騎立門外

王景貺初作舍人自契丹使歸都知押班殿前馬步重聯騎
立門外呈膀子舍人遣謝而去歸田錄
斂馬後舍人行

二衛管軍臣寮於道路相逢望見舍人呵引者即斂馬駐立
前呵者傳亮大什立馬急遣人謝之比舍人馬過然後敢行
淵田錄

據座受辛人拜

許懷德為殿帥有一辛人因老姥求為門客懷德許之辛人
拜于庭下懷德據座受之人密謂之曰宜少降授也懷德曰
打乳姥關節秀才只消如此待之華談

諸衛將軍

千牛

唐府兵列於外至在內有左右威衛將軍左右領軍衛將軍
有左右金吾衛左右監衛左右千牛衛大將軍又有羽林龍
武神武神策將軍馬步司虞候

貌如不武

晉虞翻為衛將軍貌如不武內實賢明

有古人之風

隋薛世雄性廉謹帝曰世雄廉正節既有古人之風於是超
拜右翊衛大將軍

鎮南北軍

文帝即位夕未央宮拜宋昌為衛將軍鎮南北軍

委以禁旅

王宗字延祖拜左衛將軍委以禁旅晉中興書

當今名將

薛万徹為古衛大將軍太宗從容謂近臣曰當今名將推李
勣道宗万徹二人而已唐書

宮庭警衛

左右衛大將軍掌總領宮庭警衛之法令以督其屬之隊伍

而總諸曹之職務凡親勳勳五中郎將府及折衝府所隸者皆總制焉六典

金吾衛將軍

持法平正

正宗壽性方正為金吾上將軍持法平正

矜嚴公正

馬防拜執金吾性矜嚴公正東觀漢記

任國柱石

彥慶巨明略威重任國柱石拜執金吾漢雜事

不畏疆禦

強禦或謂請曰郭公有社稷公豈不為蓋之謂笑曰非尔所解且郭公威權太盛上新即位必謂黨附者衆今發其絀過

以明不弄推尔吾上以尽事君之道下以安大臣之心不亦宜乎曹書

勝數萬衆

李嗣業為左金吾大將軍上在靈武嗣業赴行在謁見上曰今日得卿勝數萬衆事之濟否實在卿也同上

仕官當作執金吾

漢官曰執金吾緹騎二百人輿服導從充滿道路羣僚之中相最壯矣世祖歎曰仕官當作執金吾

連呼太平

張万福為金吾將軍裝延齡說請陸贄手德宗怒未解諫諫陽城等詣延英門疏論万福聞諫官伏閣往延英門大言賀曰朝廷有直臣天下必太平矣諸諫議能如此天下安得不太平已而連呼太平太平万福武人年八十餘自此名重

天下唐書

閣門

十一人

國朝東西上閣門闕即取客省使副使已上同管勾或全闕官亦有通事舍人權發遣者承受十一人

六七品

元祐令東西上閣門使正六品副使從七品

儀制十二卷

大中祥符五年陳彭年進閣門儀制十二卷

閣門

忠孝勤謹

國朝李惟賢為閣門通事舍人習朝廷儀制數奏事稱旨

仁宗嘗書忠信李惟賢五字賜之又賜李惟賢忠孝勤謹七字

宣導贊喝

天禧元年上與輔臣語及省費用向敏中曰閣門祇候先朝止有三五負宣導贊喝而已今踰數百而除授未已願稍謹擇上曰當漸有省之

此非可恩澤授

咸平五年親屬居三班者上言因聖節推恩願以次補閣門之職真宗曰此非可以恩澤授也並不許

兼稱祇候

太平興國五年通事舍人王睿失儀太宗令今後不得通贊只令引班赴閣門祇應者兼稱閣門祇候

在京在外

嘉祐八年李端愨奏閣門領在京差遣不理資任是以各屬外任請自今一任在京一任在外從之

揀用六人

熙寧四年閤門言全少慣熟之人欲乞選擇內外仕族子弟六人祇應及五年委是詳熟今閤門委保與正除祇候三班院以田奕等名聞揀用六人

奉使

杖節牧羊

天漢元年武帝遣蘇武使持節送匈奴武既至匈奴單于欲降之武引佩刀自刺單于乃幽武置大窖中絕不飲食天雨雪武卧齧雪與旃毛并咽之數日不死匈奴以為神乃徙武北海無人處使牧羝武既至海上掘野鼠草實而食之杖漢節牧羊卧起操持節旄盡落本傳

威振西域

漢選可使外國者韓增舉馮奉世持節送大宛諸國客都尉宋將言沙車與旁國殺漢使奉世遂發兵擊沙車其在自殺威振西域本傳

至北庭不拜

後鄭衆以明經給事中時北匈奴遣使求和親顯宗遣衆持節使匈奴衆至北庭虜欲令拜衆不為屈單于怒圍守閉之衆拔刀自誓單于恐而止後帝見匈奴來問衆與單于爭禮之狀皆言匈奴中傳衆意氣壯勇雖蘇武不過乃召為軍司馬本傳

建節出關

前終軍建節出關又司馬相如建節使蜀太守以下郊迎縣令負弩矢先驅並本傳

與胡妻歸

張騫使月氏西經匈奴匈奴得之傳詣單于單于曰月氏在

吾北漢何以得往使留塞者十餘歲予妻有子然塞持漢節不失單于死國內亂塞與胡妻歸漢拜太中大夫

本傳

持節斬樓蘭

傳介子請往刺龜茲樓蘭王以威諸國於是遣介子至樓蘭刺殺之詔曰傳介子持使節誅斬樓蘭王首垂之北闕不煩師旅

本傳

口伐可汗

突厥持精騎數十萬身自將攻太原詔元壽持節往勞既至虜以不信咎中國元壽隨語折責无所屈徐數其背約突厥愧服因好頡利頡利當其言引還太宗賜言曰知公口伐可汗如約朕何惜金石賜於公哉

鄭元壽傳

一介行李

襄公八年知武子使行人子負對之曰君有楚命亦不使一介行李告于寡君

左傳

○武臣刺史

立屏盜碑

國朝郭進為益州刺史會羣盜羣起進帥鎮兵剪除之部內清肅民吏千餘人詣闕乞立屏盜碑許之

作殺賊字

保州刺史呼延贊武人所為不近理忠實有膽勇常自言願死於賊刺其体作赤心殺賊字慕尉遲敬德之為人

本傳

有膽氣好弓馬

徐州刺史陳顥達有膽氣好弓馬頗閑草隸

吳均齊書

世世當道

王罷除華州刺史嘗修州城未畢梯在城外齊神武遣韓軌宵濟龍罷衆已乘梯入城罷尚卧未起聞閣外洶洶有聲便

袒身露髻徒跣持一白捧大呼而出口老羅當道卧狗子那
得進敵見驚退逐至東門左右稍集合戰破之北史

廳事列軍儀

長孫儉為荊州刺史蕭詵遣使入朝至荊州儉於廳事列軍
儀具戎服与使人相見容貌魁偉声音如鐘

忠實為本

国朝至道元年六州刺史常思德舜婦治所對於便殿一慰
勞久之謂左右曰思德當少壯之時甚銳健大凡為將以忠
實為本思德可謂忠實矣

錦繡萬花谷續集卷之八

錦繡萬花谷續集卷之九

節度使

授鉞

東并西曲星曰鉞白集金方之氣凝為將星王者法天授之
以鉞史曆書

處先人舊宅

李晟克復京師及翹平淮蔡復踵其美父子仍建大勳兄弟
藉公勳為家以第宅相尚惟翹六遷大鎮所處先人舊宅而已
唐本

五長十連

舜以五長綬四國若今之節制也周以十連率諸侯若今之
兼節也又云授鉞門府殿我漢南白集

又淮六纛

唐受節度二賜雙旌行則建節植六纛

隼旗鸞尾

澄原節度劉昌碑云壽甲凋戈涇師以貞隼旗鸞尾涇俗以寧
豹尾神旗

韓愈為田洪正先廟碑云豹尾神旗橐地戟纛以長魏師

山玄朱組

李國貞碑云鉞鉞凋戈乃主夏盟山玄朱組以靖蜀京

元纛青旌

元集云虜毛蓋鈇祭又云元纛青旌又云設壇而拜授鉞以征
持衛青之印即拜軍中授岑彭之節行於闔外

觀察使

神人

崔咸字重易遷陝州大都督府長史陝虢觀察使自旦至暮
與賓僚痛飲常醉不醒簿領堆積咸夜省覽剖判斷決無毫
釐之差胥吏以爲神人本傳

賜鞭表忠節

張建封字本立貞元四年爲徐州刺史徐泗濠節度度支營
田觀察使十三年冬入覲德宗禮遇加等及還鎮特賜詩又
令中使賈常所執鞭賜曰卿忠正節義歲寒不移此鞭朕又
新用故以賜卿以表卿忠節也本傳

繫魚示優恩

國朝陳堯咨自龍圖閣直學士換觀察使及陞謝自陳本儒
生習俎豆一旦蒙陛下易以武弁所惜者腰下無金魚袋命
特繫金魚以示優恩

進綾一千疋

李德裕在浙西詔進盤條綾綾一千疋德裕奏論之優詔報
之罷進本傳

團練使

一字論一事

柳芳唐曆部護三十字每一字論一事內監練二字去監軍

團練使本朝

副使八品

元祐令團練副使判官從八品

防禦使

求立德政碑

國朝初李漢超爲齊州防禦使兼關南兵馬都監漢超牧齊
既久郡人愛之求爲立德政碑太祖嘉其請

俸錢施飢民

郭瓊世宗時為齊州防禦使歲不登以俸錢分施飢民人懷其惠相率詣關頌德立碑

畫像禦鬼疾

楊政字延昭真宗時為防禦使屢有邊功天下稱為楊無敵夷虜皆畫其像而事之云以禦鬼疾

吏民請頌德

李瓊為本州防禦使治郡寬簡吏民數百人詣監軍馮守規請立碑頌德

公鈐轄

與總管同議軍

國朝慶曆二年詔自今路分總管鈐轄以上許與部總管司同議軍事路分部監以下並聽部總管等節制以軍法論置知州即生事

大中祥符中涇原路駐泊部鈐轄兼知渭州曹瑋奏乞別差人知渭州注乞一面鈐轄司事帝宣示王欽若等曰邊防軍馬所屯之地若別置知州即各生事註可降詔諭以此意

逐路置一員

嘉祐二年詔內臣為鈐轄部監者逐路止置一員

部監

掌邊防訓練

國朝監押掌屯戍邊防訓練之令以肅清所部有至一員或為同監押

寨主之下

景德四年詔衝要兵多處監押用侍禁以上為之聖四年定監押職位在寨主之下

趙虎頭

治平元年丙京左軍副使緣界河巡緝都監趙用有才武果敢而熟邊事虜人以塩船犯邊禁其用割腹而沉之虜畏用以其常乘虎頭船謂之趙虎頭

閭門以上

慶曆詔兵馬都監舉閭門祗候以上曾經外任者爲之

樞密選人

熙寧詔界諸縣兵馬都監今後樞密院選人

護戎司軍旅

咸平六年以樂郡王高氏爲其弟殿直處約求亳州兵馬監押真宗曰護戎之任實司軍旅處約未歷事不可從也

巡檢

務在武勇

國朝景祐三年上封者言諸處巡檢務在武勇心力強明若

乞不以福建荆湖江浙川陝及衙前省職之資出身人領其事真宗謂樞密曰人之勇怯豈拘南北若此區別非任人之道

一州止留一員

嘉祐三年詔諸路每一州軍巡檢有至三五員者又有都同巡檢員數過多其一州軍止留巡檢一員數州留都巡檢一員其緣邊緣海及河汴江湖險僻之地舊有巡檢處並留之

一縣至七縣

自一縣至七縣有巡檢一員二縣至三縣有駐泊巡檢各一員府界東西路都巡檢各一員京城四面各一員緣海有刀魚船戰權巡檢緣江河淮海亦有捉賊巡檢又有駐泊捉賊及巡馬鋪巡河巡捉私茶塩之名

閭門祗候以上

國朝以閩門抵候以上至諸司使將軍或內侍充沿邊路有
同都巡檢使

緣邊緣海

大中祥符詔擇使臣為諸州都同巡檢緣邊緣海亦置巡檢

錦繡萬

卷之九

錦繡萬花谷續集卷之十

美人丈夫

誰家玉人

衛玠在齧亂中乘羊車於洛陽市舉市咸曰誰家玉人別傳

執麈與手一色

王夷甫美容貌常執玉柄麈尾與手一色而無別晉史

連璧

郭子曰潘安仁夏侯湛並有美容貌常同行人謂之連璧

明珠

王武子衛玠之舅也語人曰昨與吾外甥並坐炯然若明珠之在戎側朗然來映人衛玠別傳

容貌甚麗

班伯少受詩於師丹大將軍五鳳薦伯宜勤學召見宴昵殿

中容貌甚麗誦說有法拜中常侍漢書

神仙之類

何晏方年七八歲慧心天悟形貌絕美出遊行觀者盈路咸

謂神仙之類晏別傳

冠玉

陳平美丈夫如冠玉耳漢書

賣珠

董偃始與母賣珠為業年十三隨母入平陽公主家左右言其姣好主養之子

得高無恨

鄆陽陳忠女名豐隣人葛勃有美姿豐與村中數共聚絡繹戲相謂曰若得審如葛勃無所恨也異苑

牆窺

登徒子好色賦曰宋玉為人體貌閑麗口多微詞性又好色願王勿與出入後宮宋玉曰臣東家之子增之一分則太長減之一分則太短著粉太白施朱太赤然此女登牆二年窺臣臣至今未許

龍章鳳姿

嵇康長七尺八寸好容色雖土木形骸不自飾而龍章鳳姿天質自然嵇康別傳

凝脂點漆

王右軍目杜弘治曰面如凝脂眼如點漆此神仙中人語林

與珪璧等質

宋明帝姿貌豐潔與珪璧等質

行

長安好少年驄馬鐵連錢陳王裴腦勒晉后鑄金鞭步搖如飛燕劍鐔似舒蓮去來新市北遨遊大道邊道邊三老翁顏鬢似衰蓬自言生漢代少小見豪雄五侯俱日拜七貴各論功建章連北闕復道應南宮太后居長樂天子出回中玉輦迎飛燕金山賞鄧通一朝復一日忽見市朝空扶桑無復海崑山倒向東少年何假問頽齡遇福終子孫真滅盡鄉閭不復通淚盡眼方暗脾傷耳自聾杖策尋遺老歌嘯詠悲翁遭隨今有遇非敢訪童蒙陳沈炯長安少年行

醜人

大頭龍驤

符雄趙建武中拜龍驤將軍貌醜頭大而足短故軍稱為大頭龍驤崔鴻前秦錄

興我宗必此兒

周燮斂頤折額貌甚醜母欲不舉其父曰吾聞諸聖賢人狀皆有異於人與我宗者必此兒遂育之後南先賢傳

斂頭

劉謚之寵郎賦曰其頭也則中路而上下斂額平而承枕四起

色如漆

陳有惡人曰郭洽犢眉推額色如漆也呂氏春秋

不可示遠人

掖宮名播匈奴時單于使求見宮曰夷狄眩名非識實也且

狀貌醜不可以示遠人後漢書

飲食無威儀

管輅容貌醜而嗜酒飲食無威儀也魏志

奴僕之下

孫秀尚河東公主形陋短小奴僕之下等也晉書

駘他

魯哀公問仲尼曰衛有惡人焉曰哀駘他丈夫之與處者思不能去也婦人之請於其母曰與為人妻寧為夫子妾者十數而未止也是必有以異乎人也寡人召而觀之果以惡駘天下莊子

子羔貌惡

高柴字子羔長不過六尺狀貌甚惡為人篤孝知名孔子之門仕為郕宰家語

伯倫形陋

梁作魏國統文曰劉伶字伯倫形貌醜陋身長六尺然肆意放蕩悠焉獨暢自得一時常以宇宙為狹

頤隱有髙

支離疏頤隱於臍有髙於頂會撮指天五管在上兩髀為脇

也莊子

長頸鳥喙

尸子曰禹長頸鳥喙面目顏色亦惡矣天下獨賢之

深目窈斗

焦贛易林復之家曰鷓鴣娶妻深目窈斗折腰不媚與伯相負

嫫母

何承天纂文曰嫫母醜人也黃帝愛幸

神色卑下

王廣駮諸葛誕女入室言語始交王語婦曰神色卑下殊不似公休婦曰大丈夫不能髣髴彥雲而令婦人比蹤英傑說

孔明婦

習鑿齒襄陽記曰黃承產謂孔明曰君擇婦身有醜女黃須黑已而才堪相配君子孔明許焉載送之時人以為笑樂鄉

里為之謔曰莫作孔明擇婦正得河外醜女

印鼻

齊鍾離春者齊無鹽邑女宣王之正后也其為人極醜無雙

曰頭深目長肚大節印鼻結喉肥項少髮折腰出骨皮膚甚

深行年三十無所容入行嫁不佳於是拂拭短褐自謁宣王

宣王納之為后劉向列女傳

項有大瘤

齊宿瘤女者齊東郭採桑之女閔王后也項有大瘤故號宿

瘤同上

三逐五逐

齊孤逐女者其狀甚醜三逐於鄉五逐於里過時無所容乃造襄王之門而求見王輟食而起謹敬左右曰三逐於鄉者忠五逐於里者少礼何足為貴王曰子不識也夫牛鳴而

馬不應者異類故此其人必有異者遂見與之語而悅之同
厚送

齊王厚送女欲妻屠門壯壯辭以疾其友勸之曰子孫死腥
臭之肆而已乎何以辭之壯應曰其女醜其友曰何謂也壯
曰吾肉善如量而去苦少耳吾肉不善雖以他附益之尚猶
不難今厚送子子醜故耳其友下問女果醜韓詩外傳

五不可

晉武帝爲太子納妃謀久不決上欲娶衛瓘女楊后欲娶賈
充女上曰衛公女有五可賈公女有五不可衛家種賢而多
子端正而長白賈家種妬而少子醜而短黑也王隱晉書

所乏惟容

郭子曰許允婦是阮德如妹奇醜交禮竟許永無復入理植
範勸之曰阮嫁醜女與卿故當有意宜察之許便入見婦即
山裙裾待之許謂婦曰婦有四德卿有幾荅曰新婦所乏惟
容士有百行君有其幾許曰皆備婦曰君好色不好德何謂
皆備許有慚色遂雅相重

勃屑

楚辭曰西施媢媢而不得見媠母勃屑而日侍又曰珥璋雜
於甌室隴廉與孟陬同宮舉世以爲怕俗固將愁苦而終窮

賦

登徒子妻蓬頭鬢耳軼牛善友屑歷齒旁行偃倮又疥且痔
登徒子悅之使有五子王勳察之誰爲好色者矣宋玉登徒
子好色賦

詩

世有非常人實惟彼玄士稟茲至緇色內外皆相似卧如驪
牛驥立如烏牛詩忿如鸚鵡聞樂似鸚鵡喜云云朱彥時詠

黑兒人皆得令室我命獨何然不過美任德正位醜惡婦才質陋且儉姿容劇媼母鹿頭狝猴面推額復出口折頰顰面鼻兩眼顫如日膏如老桑皮耳如側兩手頭如研米槌髮如掘掃帚惡觀醜儀容不媚似鋪首閻鈍拙梳髮刻畫又更醜粧頰如狗舐額上獨偏厚朱唇似踏血畫眉如鼠負傅粉堆頤下面中不徧有頰如鹽鼓囊袖如常拭衿腹中如和泥爪甲長有垢脚較可容箸熟視令人嘔劉忠真

人長人

脚跡六尺

秦始皇時有九人見臨洮身長五丈脚跡六尺史記

魁梧有爽氣

尹緯身長八尺腰帶十圍魁梧有爽氣

見襄武

咸熙二年有大人見襄武縣長二丈餘脚跡長三尺二寸白

髮著黃單衣黃巾魏志

輶車不能載

王莽時有奇士長一丈大十圍自謂曰巨毋霸本出於蓬萊東五城西北昭如海濱輶車不能載三馬不能勝即日大車四馬建旗載詣闕卧則枕其股漢書

眉見軾

魯文公十一年叔孫得臣敗狄於鹹長狄也弟兄三人失害中國瓦石不能害叔孫得臣最善射者也射其目身橫九畝斷其首眉見於軾穀梁傳

骨節專車

吳伐越際會稽獲骨節專車吳子使問仲尼仲尼曰昔禹致羣臣於會稽之山防風氏後至禹戮之其骨節專車此為

大矣國語

長狄五丈

尚書洪範五行傳曰長狄之人長蓋五丈餘也

千秋八尺

車千秋為高寢郎及太子敗千秋訟太子寃乃召見千秋長八尺餘躰貌甚美後書

面鼻雄異

長樂衛尉馬騰其長八尺身躰洪大面鼻雄異而性賢厚人多敬之袁宏後紀

體貌魁梧

趙壹躰貌魁梧身長九尺美鬚眉望之其聲恃才傲物為鄉曲所擯

釣六鰲

大壑中有五山天帝使巨鰲戴五山龍伯國有大人釣六鰲合負而歸因灼其骨帝怒滅龍伯之國列子

大殺七尺三寸

符健皇始四年有長人見身長五丈語人張靖曰今當太平新平令以聞健以為妖妄召靖繫之是月霖雨河渭泛溢滿坂津監寇登於河中流得大殺一隻長七尺三寸足跡稱殺指長尺餘文深七寸

拂蓋郎

三十國春秋置左右鎮郎及拂蓋郎長一丈九尺

十丈數之極

國語曰人之長極幾何仲尼曰長者不過十丈數之極也

腹圍百輔

東方朔神異經云東南隅大荒中有林父焉其高千里腹圍

百輔

一手當臂

支提國人長三丈二尺有三手一手當臂手足各三指洞冥記

賦

世有大人兮在乎中州宅彌萬里兮曾不足以少留悲世俗
之迫隘兮竭輕舉而遠遊垂絳幡之素霓戴雲氣而上浮建
絡繹之脩竿兮總光耀之彩旄垂旬始為繆兮曳彗星而為
鬚掉指揮以偃蹇兮又旖旎以招搖攬撓槍以為旌兮靡屈
虹以為綢江杳眇以弦法兮焱風涌而雲浮司馬相如

讚

雙臂三丈躡如中人彼曷為者長臂之人脩脚是負捕魚海

濱鄧璞詠長臂國神哉夸父難以理尋領河及日道形鄧林

觸類而化應無常心詠夸父

人短人

臧紇

邾人莒人伐郕臧紇救郕敗於狐駘國人誦之曰臧之狐裘
敗我於狐駘我君小子侏儒是使侏儒侏儒使我敗於邾左傳

高柴

家語曰高柴不過六尺為人篤孝

優旃

優旃秦倡侏儒也始皇時置酒天雨陛者寒旃矜之乃大呼
曰女雖長雨中立我雖短故幸休始皇乃使皆代之史記

行步僂僂

蔡義為丞相時年八十餘短小無鬚眉貌似老嫗行步僂僂
常兩吏持夾乃能行後漢書

行不勝衣

孫卿子曰楚葉公子高微小短壽其行將若不勝衣
不從狗門入

晏子春秋曰晏子短奉使楚楚為小門晏子不入曰使狗國
即從狗門入今使楚不當從狗門入也

坐起端方

宋書曰王敬弘形狀短小而坐起端方

不理節操

益部雜記曰張松為父短小而放蕩不理節操

精悍敏捷

嚴延年為人短小精悍敏捷於事漢書

巨靈七寸

漢武帝故事曰東郡送一短人長七寸名曰巨靈

畏海鵠

西海外有鶴國人長七寸行如飛日千里百物不敢犯唯畏

海鵠海鵠遇則吞之壽三百歲人在鵠中不死神異經

陀移國

負嶠山有陀移國人長三尺壽萬歲王莽年

巴巔馬

蔡邕短人賦曰巴巔馬兮押下狗

崢人

郭璞讚曰惟僥極廢崢人又小

東方詒騶

漢書曰東方朔詒騶侏儒曰帝以吾曹無益於縣官今欲盡
殺若曹侏儒大懼

賦

侏儒短人惟僥之後出自外域戎狄別種土俗歸義慕化企

錦繡萬花谷續集卷之十一

類姓門

馮

大馮君小馮君

馮立字聖卿通春秋為五原太守徙西河上郡與野王相代為太守歌之曰大馮君小馮君兄弟繼踵相因循聰明賢智惠吏民政如魯衛德化鈞周公康叔猶二君

漢書

年十八上書

馮野王字君卿通詩以父任為太子中庶子年十八上書願試守長安令

同前

彈鋏歌

馮驩躡矯而見孟嘗君彈劍缺而歌

孟嘗君傳

稱誦可著郎朝

馮唐以孝著為中郎署長對文帝論將帝悅拜為車騎都尉景帝以唐為楚相免武帝求賢良舉唐唐時年九十餘不能復為官乃以唐子馮遂為郎遂字王孫亦奇士太史公曰馮公之論將率有味哉語曰不知其人視其友馮之所稱誦可著郎朝

史記

大樹將軍

馮異字公孫潁川人通左氏春秋孫子兵法號大樹將軍

本傳

騏驥在東鄰

馮素弗跋之長弟慷慨有大志雄傑不群任俠放蕩不脩小節盛藻奇之曰吾遠求騏驥不知近在東鄰何識士之晚也

晉書

閉門三十年

馮休 偉節尤明禮傳閉門三十年專精覃思無所不通

儒林

賜禁中瑞錦

馮定字介夫與宿齊名人方漢二馮第進士異等遷太常少卿文宗嘗詔開元覽裳羽衣舞參以雲韶拜于廷定部諸工立縣間端凝若植帝異之召升殿賜禁中瑞錦平壽

熊姓

可賞五百人

哀公十六年白公勝謂石乞曰市南有熊宜僚者若得之可以當五百人矣石乞見之告之故辭承之以劍不動勝曰不為利諂不為威惕去之左傳

射石滅矢

熊渠子夜行見寢石以為虎射之滅矢飲羽渠子見其誠心而金石為之開况人心乎新序

正色在朝

熊遠字孝元豫章人翹之子也有志尚領武昌太守累遷尚書左丞在朝正色不苟柔吐剛忠亮至到轉御史中丞又拜太常卿有毗濟之道其椽桶之佐乎弟縉終鄱陽太守縉子鳴鵠武昌太守晉書

河洛金匱

熊襄著書名為河洛金匱唐史

好學不倦

熊安生字植之少好學勵精不倦仕齊為國子博士周使至公正問周禮所疑安生一一演說公正嗟服儒林傳

有文當典誥命

熊本擢進士第累除天章閣待制神宗曰熊文當文當遂典誥命除知制誥判司農寺都水監丞本朝名臣傳

种姓

賑恤宗族

种嵩河南人父有財三十萬父卒嵩悉以賑恤宗族及邑里之貧者後漢書

雲溪醉叟

种放河南洛陽人也少時往來嵩華間慨然有山林之志父死與其母隱居終南山豹林谷自號雲溪醉叟皇朝

童姓

况虎

童恢除不其令牢獄連年無囚比縣流人歸化徙居二萬餘戶民嘗爲虎所害捕獲二虎恢聞出况虎曰虎狼當食六畜而殘暴於人土法殺人者死傷人則論法汝若是殺人者當垂頭服罪自知非者當號呼稱冤一虎低頭閉目狀如欲懼即時殺之其一視恢嗚吼自奮遂令放釋吏人爲之歌頌迁

丹陽太守後漢書

宗姓

汝南太守

宗資爲汝南太守任功曹范滂郡中謠曰汝南太守范孟博南陽宗資主畫諾本傳

乘長風破萬里浪

宗慤年少叔父少文問其所志荅曰願乘長風破萬里浪宗曾子

宗元卿有至行鄉人號曰宗曾子孝義

有儒者風

宗欽好學有儒者風仕沮渠蒙遜爲世子洗馬東宮侍臣也

小兒學士

宗慄少聰敏好讀書語輒引古事鄉里呼爲小兒學士同前

封姓

有大臣之體

封孚祖俊振威將軍父汝慕容暉之世吏部尚書孚幼而聰敏和裕有士君子之稱慕容德曰朕平青州不以為慶喜於得卿也外總機事內參密謀雖位任崇重謙虛博納甚有大臣之體後為太尉晉載記

三世同財

封延伯三世同財為北州所宗附為梁郡太守有高士風隋書

殿中尚書

封回明帝時為瀛州刺史乘寇亂水潦之後表求振恤免其租調州內賴之後為殿中尚書北史

自致卿相

封倫年方少舅盧思道曰是兒識畧過人當自致卿相唐書

賜以宮錦

封敖進士第雅為李德裕所器會昌初為翰林學士屬辭賅敏不為奇溢語切而理勝武宗使作詔書慰邊將傷夷者曰傷君爾體痛在朕躬帝賜以宮錦同前

穠姓

昔見面今見心

穠茂鄭大夫然明也子產始知然明問於政對曰視民如子見不仁者誅之然明貌惡故子產曰昔者吾見茂之面而已今吾見其心矣欲觀叔向從使之收器者而往立於堂下一言而善叔向下執其手以上曰子若無言吾幾失子矣言之不可以已也如是左傳

龔姓

兩龔

兩龔皆楚人勝字君賓舍字君倩二人相友並著名節世謂之楚兩龔前漢書

繫已自守

龔壯繫已自守惟研考經典譚思文章晉隱逸傳

渤海太守

龔遂山陽南平陽人也宣帝時渤海饑盜賊起以遂為渤海太守時年七十餘單車至府郡中翕然盜賊皆罷前漢書

尋陽郡丞

龔孟舒通毛詩善談名理仕梁位尋陽郡丞

洪姓

文詞知名

皇朝豫章洪氏山谷四甥皆以文詞知名明字龜父同郡黃著集龜父詩百篇為一集山谷以謂句句可傳也龜父

彈洽開豁溢于文詞權諫大夫為詩百餘篇著老圃前後集

炎字玉父登第元祐之末試吏紹聖之初顯於宣和貴於紹興羽字鴻父元符之末上書入籍遂終其身兵火之後詩文

無傳焉朝廷官其一子百家詩選

鍾姓

定春秋章句

鍾興受嚴氏春秋光武召拜左中郎將詔令定春秋章句去其重複以授皇太子儒林傳

九辟公府不就

鍾皓少以篤行稱避隱密山前後九辟公府皆不就為士大

夫所歸慕及皓終諸儒頌之曰材慮懿德非礼不處悅此詩

書弦琴樂古五就州招九膺台輔遂巡主命卒歲容与同前

賜五熟金銘

鍾繇為大理迂相國文帝賜繇五熟金銘曰於赫有魏作漢
藩輔厥相惟鍾實幹心膂靖恭夙夜匪遑安處百寮師師指
茲度矩魏志

專掌文翰

鍾嶸好李有思理明周坊兩為記室專掌文翰南史

醉與虎鬪

鍾傳少射獵醉遇虎與鬪虎搏其肩而傳持虎不置會人斬
虎然後免既賞悔之戒諸子曰士處世尚智與謀勿効吾暴
虎也唐書

龍姓

口無擇言

龍伯高名述京兆人為山都長馬援嘗誡其兄子曰龍伯高
敦厚周慎口無擇言謙約節儉廉公有威吾愛之重之願汝

曹劬之劬伯高不得猶為謹勅之士所謂刻鵠不成尚類鶩

者也光武由是擢拜零陵太守見馬援傳

使吳越不拜

龍敏少仕州攝參軍劉守光亂敏避之滄州遂客於梁父不
調敏素善馮道監軍張永業辟敏監軍巡官使掌奏記莊宗
即位召拜司門員外郎為吳唐尹事祖父以孝聞累拜吏部
侍郎歷晉為太常卿使於吳越是時使吳越者見吳越王皆
下拜敏獨揖之迂工部侍郎五代

終姓

終童

終軍年十八選為博士弟子太守聞其異材甚奇之與交結
軍揖太守而去至長安上書武帝異其文拜為謁者上白麟
奇木之對入關棄繻請受長纓羈南越王年二十餘世謂之

宮姓

忠臣之謀

新序曰晉獻公假道於虞以伐魏晉之奇諫曰唇亡則齒寒今日亡虢明日亡虞可謂忠臣之謀也

豐姓

言近習之非

皇朝豐稷奉進士為蒙城簿稍擢監察御史裏行言王安禮不可知制誥及安禮迂翰林李士復力言之除著作佐郎迂吏部員外郎提點利州路刑獄哲宗即位徙成都府路召為工部員外郎迂殿中侍御史右司諫改國子司業起居舍人太常少卿國子祭酒兼侍講拜刑部侍郎數上疏言近習之非

蒙姓

家世為將

蒙恬齊人也嘗書獄典文李因家世得為秦將攻齊大破之拜為內史史記

雍姓

雍伯之後

風俗通云周文王第十二子也雍伯之後以國為姓今或音雍州之雍鄭氏云大有雍亂楚有雍子齊有雍廩宋有雍鉏漢什邡侯雍齒沛人也

翁姓

登進士擢宏詞

翁承贊父巨隅嘗為棗陽府參軍承贊乾寧間登進士第繼擢宏詞天祐初以右拾遺受詔冊王審知為瑯琊王尋為右諫議大夫福建塩鐵使後除門下侍郎同中書門下事於使

隱時建陽別舊識僧亞齊詩云蕭蕭風雨建陽溪溪畔維舟見亞齊一軸新詩劍潭北十年舊識華山西吟竟惜向江村老空性示知山路迷應笑乘輅青鎖客此時无暇聽猿啼又詠槐詩雨中粧點望中黃幻引蟬聲送夕陽憶得當年隨計吏馬蹄終日爲君忙

江姓

巨孝

江革字次翁事母孝鄉里稱曰江巨孝本傳

巖然稀言

江統字應元靜默有遠志時語曰巖然稀言江應元晉書

後進之美

江夷字茂遠少自藻厲心後進之美仕宋歷吏部尚書吳郡太守後爲右僕射南史

南史

夢筆

江淹字文通不事章句之學留情於文章起家南徐州從事升降承明之闕出入金華之殿仕齊拜中書侍郎王儉曰卿年三十五已爲中書侍郎才學如此何憂不至尚書余紫所謂富貴卿自取之在尚書非公事不妄行在官寬猛能折衷爲南司足以振肅百寮明帝曰自宋以來不復有蔽明中丞君今日可謂近世步少以文章顯後夢郭璞問其取筆乃探懷中五色筆以授之南史

春誦夏弦

江夢孫字修之九江湓城人諸生弟子不遠數郡而至者百人春誦夏弦以時講聞鼓篋函文序序也主輔政欲廣賢良之術聞其德業遂以幣帛聘之爲芸閣郎其見

南野史

風流不墜

江敷湛之孫為丹揚丞袁整為尹嘆曰風流不墜政在江郎

南史

善政者名

江秉之祖迥在宋為烏程令以善政著名東土徵為建康令為政嚴察部下肅然後為山陰令人戶三萬政事繁擾秉之御繁以簡常得無事

南史

冠軍將軍

江悅之好兵書有將略梁初進號冠軍將軍

北史

龐姓

非百里才

龐統字士元為南州士之冠冕守耒陽令在縣不治免官魯肅曰龐士元非百里才也使處治中別駕始當展其驥足先

主以為治中從事

蜀志

有宰相器

龐參為漢陽太守郡人任業有奇節參先候之棠以薤一大本水一盃置戶前自抱兒孫伏於戶下參思其意曰水者欲吾清也枝大本難者欲吾擊強宗也抱兒當戶欲吾開門恤孤也參在職果能抑強助弱以惠政得民虞詡薦其有宰相器能後為太尉錄尚書事

本傳

非御豈能成功

皇朝龐籍字醇之單州武成人也舉進士累擢殿中侍御史慶曆四年召拜樞密副使籍請併省官屬徙兵就食於是邊費什省七八八年為參知政事明年以工部侍郎為樞密使籍言近世養兵務多而不精請與中書議簡汰之法仁宗疑焉籍曰儻有一夫之呼臣請以百口償之卒省兵八萬人

祐三年拜同中書門下平章事昭文館大學士儂智高叛命
秋青為宣撫使或言青不可專任 仁宗以問籍籍曰青起
行伍若以文臣副之則號令不專不如不遣也 仁宗然之
及捷書至 仁宗謂籍曰非卿執議豈能成功

登鹿門采藥

逸民龐公居峴山之南未嘗入城府夫妻相敬如賓劉表問
曰先生苦居畎畝而不肯官祿何以遺子孫乎公曰世人皆
遺之以危今獨遺之以安未為無所遺也遂携妻子登鹿門
山采藥不反

龐公續集卷之十一

錦繡萬花谷續集卷之十一

郝姓

儒雅之士

郝鑒字道微王勣專制拜安西將軍鎮合肥勣忌之表徵還與勣相見鑒曰丈夫既懷身比面豈可偷生屈節覩顏天壤耶勣素懷無君之心聞鑒言大忿之物不遣勣之黨與譖毀日至鑒舉止自若初無懼心勣謂錢鳳曰郝道微儒雅之士名位既重何得害之乃放還臺晉史本傳

入幕之賓

郝超少卓犖不羈有曠世之度巨温辟為征西大將軍掾時王珣為温主簿亦為温所重府中語曰珣參軍短主簿能令公喜能令公怒超髯珣短故也尋除散騎侍郎謝安與王坦之嘗詣温論事温令超帳中以聽之風動帳開安笑曰郝生可謂入幕之賓本傳

百僚所憚

郝隆始嘗見有匪躬之節初為尚書郎轉左丞在朝為百寮所憚本傳

麋姓

安漢將軍

麋竺拜安漢將軍雍谷勣雅而幹翽非所長待之以上賓之禮未嘗有所統御雍谷風議見礼於世蜀志

皮姓

少有武略

皮豹少有武略太武時拜使持節仇池鎮將有威信以前後戰功擢為內都大官北史

著九諷七愛

皮日休唐之文士著桃花賦九諷七愛詩文粹

施姓

論經石渠

施雠從田王孫受易梁丘賀薦之拜為博士與五經諸儒雜論同異於石渠閣前儒林傳

心筭口占

施文慶陳後主以為中書舍人明閑吏職心筭口占南史

眭姓

著知命論

眭夸少有大度不拘小節耽好書傳不以世務經心浩然物表高尚不仕寄情丘壑或謂夸曰吾聞有大才者必居貴仕子獨何在桑榆乎乃著知命論以釋之北史

谷續十二

支姓

盧墓

支叔才隋末荒饑母為賊執叔才告以情賊聞其孝為解母病癰叔才吮瘡注藥及三盧墓有白鵲止其傍高宗表異其家唐書

綦姓

疊挽三石弓四張

綦連猛少有志氣便三馬齊神武時以軍功封廣興縣侯梁使來聘求角武藝遣猛接之梁人引弓兩張皆三石猛併取四張疊挽之過度梁人嗟服出為定州刺史寬惠清慎遇人稱之

韋姓

鄉魯大儒

韋賢魯國鄒人其先韋孟為楚元王傳賢篤志於學端禮尚書以詩教授號稱鄒魯大儒本傳

儒宗

韋彪孝行純至雅稱儒宗舉孝廉除郎中三輔諸儒莫不仰慕之顯宗乃拜謁者賜車馬衣服數陳政術每歸寬厚拜大鴻臚後本傳

賜貂裘既馬

唐韋挺少與隱太子善高祖平京師累遷太子左衛驃騎正觀初王珪數薦之拜御史大夫上討遼東曰卿為朕圖之帝親解貂裘及中廐馬賜之即詔河北列州皆取挺節度本傳

郇公五雲體

韋陟遷吏部侍郎常以五采牋為書記使侍妾王之陟唯署名自謂所書陟字若五采雲時人慕之號郇公五雲躡本傳

踰冠入翰

韋執誼京兆舊族及進士策對策與等年踰冠入翰林為李士出入備顧問本傳

時姓

有功第一

時溥為州牙將黃巢亂京師即度使支詳遣溥與陳蕃率兵五千西討至萊蕪大破之諸將皆有功惟溥功第一加檢校司徒同中書門下平章事進檢校太尉兼中書令鉅鹿郡公五代史

師姓

社稷臣

前師丹治詩舉孝廉為郎徵為光祿大夫後為太子太傅至大司空經為世儒宗德為國黃者可謂社稷之臣本傳

伊姓

雍容風議

伊籍為左將軍從事中郎使於孫權權聞其才辯欲逆折之適入拜權曰勞事無道之君乎即對曰一拜一起未足為勞其機捷類如此遷昭文將軍雍容風議見禮於世蜀志

盧姓

與高祖同日生

盧綰與高祖同里同日生及壯俱交書又相愛也高祖以為太尉常從出入卧内衣被飲食賞賜羣臣莫敢效之封為長安侯後立為燕王史記

音聲如鐘

盧植音聲如鐘性剛毅有大節常懷濟世志後漢書

清澹有遠識

盧欽世以儒宗顯清澹有遠識領吏部舉必以材稱為廉平文武之稱著於方夏歷宰州郡不尚功名唯以平理為務祿俸散之親故不營其產百書

五兵尚書

盧潛少有成人志尚文裴言其終可大用歷司州別駕江州刺史所在有善政除揚州刺史在淮南十三年大樹風績為五兵尚書同上

年十九善御衆

盧祖尚隋末募壯志捕盜時年十九善御衆所向有功盜不入境後歷刺史有能名正觀二年交州都督以賄敗以祖尚才備文武可用也唐本傳

玉川子

盧仝居東都愈為河南令愛其詩厚禮之自號玉川子嘗為

月蝕詩以譏切元和逆黨愈稱其工

朱姓

五十當富貴

前朱買臣字翁子常艾薪推賣以給食擔束薪行且誦書嚴助薦之召見說春秋言楚詞武帝說之拜為中大夫後拜會稽太守上謂之曰富貴不歸故鄉如衣錦繡夜行 年五十

當富貴 本傳

折檻

朱雲曰願賜尚方斬馬劍斷佞臣張禹 攀折殿檻 本傳

強直自遂

朱暉為臨淮太守吏人畏愛歌曰強直自遂 後漢書

善美之士

朱季吏異其威人懷其意肅宗召拜僕射上便宜報曰補公

家之闕不里清白之素斯善美之士也 唐本傳

西陽太守

朱齡石世為將平盧循有功為西陽太守 南史

四官皆珥貂

朱異徧覽五經尤明禮易明山賓表薦异云金山萬丈綠陟未登玉海千尋窺映不測為太子博士居權要二十餘年自負外常侍至侍中四官皆珥貂自右衛率至領軍四職並驅

鹵簿 本傳

疏姓

明春秋為博士

疏廣明春秋徵為博士徙為太子太傅 前本傳

問姓

上賓

閻大肥蠕蠕人也道武時歸魏與弟竝為上賓入八議後以戰功授滎陽公北史

魚姓

言聞數百步

魚俱羅馮翊人聲氣雄壯言聞數百步在隋拜豐州總管突厥又境輒禽斬之自是屏迹不敢畜牧於塞下北史

徐姓

負石入海

鄒陽上書曰徐衍負石入海義不苟取比周於朝以移主上之心新序

陳蕃設榻

徐穉字孺子豫章南昌人太守陳蕃不接賓客唯穉來特設一榻去則縣之相帝以安車万鍾備禮徵之不至角立傑出

南州高士後漢書傳

柱臣

徐宣文帝時為御史中丞又遷尚書相範薦為宣體忠厚之行秉直亮之性清雅特立不抽世俗確然難動有社稷之節歷位州郡所在稱職以為左僕射詔曰宣歷在三朝公亮正色有託孤寄命之節可謂柱臣也魏志

佳吏部

徐寧為輿縣宰通朗博涉吏亮每稱相彞覓一佳吏部及過寧欣然謂亮曰為卿得一佳吏部矣徐寧真海岱清士因為叙之即遷吏部郎晉書本傳

公府五辟博士

徐苗累世相承皆以博士為郡守遂為儒宗亦作五經同異徐氏家傳輕財貴義公府五辟博士再徵並不就

端貳之才

徐嵩少以清白著稱符堅時舉賢良為郎中遷長安人貴戚子弟犯法者一皆考竟請託路絕落落有端貳之才載記

風亭月觀

徐湛之事祖母及母以孝聞後為南兗州刺史善政俱肅威惠並行起風亭月觀吹臺琴室招集文士盡游玩之適南史

天上石麒麟

徐陵年數歲沙門釋寶誌摩其頂曰天上石麒麟也南史

讀史書三千餘卷

徐伯陽敏而好學善色養讀史書三千餘卷為候官人其得人和南史

河東三絕

徐彥伯七歲為文對策高第調蒲州司參軍時司戶韋暹

善判司士李巨工書彥伯屬辭時稱河東三絕進給事中會郊祭上南郊賦一篇辭致典縟秉筆累朝當時不及也北史

冲晦處士

徐復字復之建州人嘗游京師舉進士不中退而學易通流衍卦氣之法遊淮浙間凡天文地理遁甲占射諸家之說讀之必得其宜賜號冲晦處士

忠臣

徐鉉十歲能屬文與韓熙載齊名江南謂之韓徐仕吳為秘書郎南唐為吏部尚書王師圍金陵煜遣鉉朝京師求緩兵太祖以禮遣之後隨煜至京師太祖責之鉉對曰臣仕江南國亡不能死臣之罪也太祖歎曰忠臣也以為太子率更令從征太原加給事中出為左散騎常侍

虞姓

賜黃金白璧

虞卿游說之士也躡蹻擔簣說趙孝成王一見賜黃金百鎰白璧一雙再見為趙上卿故號為虞卿論趙魏合從之便不重萬戶侯卿相之印著書八篇世傳曰虞氏春秋史記

南陽太守

虞延初生其上有物若一匹練遂上升天占者以為吉及長長八尺六寸腰帶十圍力能扛鼎建武初除細陽令歲時伏臘輒休遣徒繫使歸家並感其德應期而還遷洛陽令外戚斂手莫敢干法遷南陽太守後本傳

十二通尚書

虞詡十二通尚書為朝歌長故舊皆弔曰得朝歌何衰詡曰不遇槃根錯節何以別利器太守馬稜曰君儒者當謀諫廟堂後羌寇武都以詡有將帥之略遷武都太守本朝

講論戎馬上

虞翻少好學有高氣州舉茂才召為侍御史作周易老子論語國語訓注習經於枹鼓之間講論於戎馬之上後雖處罪放而講學不倦門徒常數百人吳志

南金之貴

虞世基博學有高才善草隸孔奐見之嘆曰南金之貴獨在斯人仕隋直內史省柳顧言曰海內當共推此一人遷內史侍郎特見親愛朝臣無與為比文苑

文翰待詔

虞綽博學有俊才仕陳為太學博士遷著作佐郎常直禁中以文翰待詔本傳

五絕

虞世南性沈靜與兄世基同受學于吳顧野王餘十年

不懈文章婉縟慕徐陵陵自以類已世其辭章清勁過世南
而瞻博不及也議者方晉二陸大業中至祕書郎隋煬帝愛
其才秦王踐祚拜洪文館字士人慕嚮之謂之登瀛洲世南
貌懦謹外若不勝衣而中抗烈論議持正帝嘗命寫烈女傳
於屏風於時無本世南暗疏之無一字謬帝每稱其五絕一
德行二忠直三博學四文詞五書翰帝手詔魏王泰曰世南
於我猶一體拾遺補闕無日忘之

本傳

馬氏公集卷之十二

錦繡萬花谷續集卷之十三

胡姓

天下中庸

胡廣察孝廉試為天下第一拜尚書郎五遷尚書僕射為太傅時年已八十繼母在堂朝夕瞻省諺曰萬事不理問伯始天下中庸有胡公在公台三十餘年廣字伯始見本傳

家世將門

胡奮性開朗有籌略家世將門晚乃好學滅醜虜於河西制凶酋於磧北後加鎮軍大將軍晉書

風采環潤

胡諧之為江州別駕風采環潤善於居處朝士多與交游遷都官尚書南史

舉進士第一

皇朝胡旦字周父舉進士第一通判昇州代還遷左拾遺出漕淮東徙知海州淳化中直集賢院復知制誥又之通判襄州尋以祕書監致仕

胡公塘

胡宿舉進士召試為館閣校勘改集賢校理通判宣州知湖州築石塘百里捍水患大興學校學者盛於東南自胡李始既去而思之名其塘曰胡公塘而李者為立生祠又之為兩浙轉運使召還修起居注知制誥入翰林

余姓

三使北戎

余靖字安道舉進士遷祕書丞集賢校理范仲淹以言事忤意貶饒州諫官御史不敢言靖上疏論仲淹不當貶且言陸

下親政以來集遂言事者恐鉗天下口不可坐落職知秦州
度曆中除右正言方是時 仁宗勵精政事增諫官負將以
有所為靖數言事合意遷知制誥三使比戎時相忘之出知
吉州六年知虔州帥遷移青州

吾姓

有卿相之骨

吾祭生數歲城嫗見謂其母曰是兒有卿相之骨 吳志

蘇姓

佩六國相印

蘇秦東周雒陽人說六國合從佩六國相印 史記

畫形麒麟閣

蘇武字子卿不降匈奴齧雪咽旃杖漢節牧羊留匈奴十九
歲及還拜為典屬國甘露元年上思股肱之美乃圖畫其形

於麒麟閣 本傳

二天

蘇章字孺文為冀州刺史故人為清河太守行部按其姦贓
乃請太守為設酒肴陳平生之好甚歡太守喜曰人皆有一
天我獨有二天章曰今夕蘇孺文與故人飲者私恩也明日
冀州刺史按事者公法也遂舉正其罪州境望風畏肅 本傳

累世二千石

蘇綽累世二千石綽有王佐才對周文指陳帝王之道周文
不覺膝之前帝曰綽真奇士即拜行臺左丞奏典機密常以
天下為己任博求賢後共弘政道 北史

十歲上書

蘇世長十歲上書周武帝異其幼問讀何書對治孝經論語
帝曰何言可道荅曰為國者不敢侮於鰥寡為政以德帝曰

翰林中一美事

皇朝蘇易簡弱冠舉進士後為翰林學士淳化中充承旨易簡多振筆翰林故事太宗為飛白書院額曰玉堂及以詩賜之太宗曰此永為翰林中一美事易簡曰自有翰林未有如今日之榮也

家三秀才

蘇亮綽從兄亮與弟湛皆著名西上一家舉三秀才在魏除中書監領著作修國史薦達後進常如不及一年或至三遷官僉曰才至不怪其速唐本傳

文章擅天下

皇朝蘇洵是舉進士賢良不中至和嘉祐間與其二子軾轍至京師歐陽脩得洵書二十篇大愛其文辭以為賈誼劉向

不過也以其書獻諸朝名動京師而蘇氏文章遂擅天下一時學者皆尊其賢李其文以為師法以其父子俱知名號為老蘇

吳姓

隱若一敵國

吳漢為人質厚少文造次不能以辭自達光武曰吳公差強人意隱若一敵國矣及在朝廷斤斤謹實形於體貌男驚有智謀諸將鮮能及者拜大司馬封廣平侯後本傳

白首一節

吳良躬儉安貧白首一節顯宗以為議郎

世不乏季子

吳祐嘗諫其父父撫其首曰吳氏世不乏季子也舉孝廉

膠東相本傳

儒雅標名

吳隱之博涉文史以儒雅標名弱冠而介立有清操事母孝謹遷晉陵太守後良吏傳

立館鍾山下

吳苞善二禮及老莊徵為太學博士不就立館鍾山下教授當時稱其儒者隱逸傳

制舉入二等

皇朝吳育為人明敏勁果強學博辯舉進士甲科奉賢良方正策入二等有國以來制舉惟育入二等前此未有也除著作郎直集賢院通判蘇州加太常禮院為三司判官知諫院慶曆五年拜右諫議大夫樞密副使數月除叅知政事

中林蘭蕙

吳儼幼有俊才韓熙載潘佑皆以文章著名江左一見儼深

加器重曰吳正儀中林之蘭蕙也因問以唐太宗杜淹論樂異同儼曰志氣未動則聲能致和哀樂既形則樂乃息變熙載佑歎曰足以探禮樂之情矣儼在江南舉進士擢高第補丹陽尉久之直內史從李煜歸朝以近臣薦職方員外郎

符姓

談辭如雲

符融遊太學師事李膺每見融輒絕它賓客聽其言論融幅巾奮袂談辭如雲膺每捧手嘆息後本傳

良刺史

符令謙官至趙州刺史有善政卒于州州人號泣送葬者數千人當時號為良刺史五代史

清談不及世務

皇朝符彥卿少事唐漢周封魏王宋四遷太師為御史所

糾退居于洛八年間乘小車馳遍遊佛寺名園人伏其曠達性不飲酒謙恭待士對賓客清談終日不及世務

蒲姓

學士佩魚

皇朝蒲宗孟舉進士為蘇州推官除館閣校勘熙寧中為集賢校理同修起居注直舍人院擢右正言知制誥為翰林學士神宗曰孝士職清地近而官儀未寵自今宜佩魚學士佩魚自宗孟始也

符姓

有台輔之望

符融未弱冠便有台輔之望嘗著浮圖賦壯麗清贍世咸珍之旅力雄勇百夫之敵尤善斷獄姦無所容州郡疑獄莫不折之為將善謀略專方征伐必有殊功

晉書記

于姓

于公祠

于定國父于公為縣獄史郡決曹決獄平郡中立生祠號曰于公祠定國學法於父亦為獄史以材高奉侍御史遷御史中丞超為廷尉朝廷稱之曰張釋之為廷尉天下無冤民于定國為廷尉民自以為不冤遷御史大夫為丞相封西平侯

高門

于永嗣至御史大夫始于公其閭門壞父老方共治之公謂曰少高大令容駟馬高蓋車我治獄多陰德子孫必有以者至定國為丞相永為御史大夫封侯傳世云

前本傳

黑稍將軍

于栗磾少習武藝材力過人劉裕嘗遺其書題曰黑稍公麾下栗磾好持黑稍故有其號明元因授為黑稍將軍

北史

賜劔杖

于忠累遷散騎常侍嘗因侍宴宣武賜之劔杖舉酒屬忠曰
卿世執貞節故恒以禁衛相委昔以卿行忠賜名曰忠人以
卿才堪御侮以所御劔杖相錫後為尚書令北史

樂賢下善

于休烈機鑿敏善文章第進士又擢制科歷秘書省正字
肅宗立兼修國史時經大盜後史籍燔缺休烈奏獻史籍進
官獻五代論詩著舊唐天子嘉之雖歷清要不治產世恭儉
仁愛樂賢下善推轂士其衆年老嗜學不厭唐本傳

舒姓

獻文闕下

舒元興大和五年獻文闕下不得報上書自言所上八萬言
其文鍛鍊精粹出入今古數千百年披剔刮抉有可以輔教

化豈主父可比哉容軒隨筆

俞姓

少有高行

俞紫芝少有高行不娶得浮屠氏心法所至豁然而工於詩
王荆公居鍾山秀老數相往來尤愛重之每有詩所謂公
詩何以解人愁初日芙蓉映碧流未怕元劉事獨步不妨陶
謝與同遊是也秀老嘗有夜深童子喚不起猛虎一聲山月
高之句尤為荆公所賞和云新詩比舊仍增峭若許追攀莫
太高秀老卒於元祐初惜時無發明者不得與林和靖一流
槩見於隱逸

奚姓

世稱忠孝

奚斤代人也仕魏為侍郎親近左右後為左丞相世稱忠孝

每議政多見從用朝廷稱焉北史

少有將略

奚眷少有將略道武世有戰功為武牢鎮將為寇所憚北史
賢臣

奚陟少篤志通群書大督末擢進士文辭清麗科授洪文館
校書郎病癱帝遣醫療視救曰陟賢臣為我善治之唐本傳

嵇姓

龍章鳳姿

嵇康字叔夜其先姓奚避怨徙家于嵇山之側因而命氏
龍章鳳姿天質自然與魏宗始拜中散大夫彈琴詠詩自足
於懷為竹林七賢之遊呂安服康高致每一相思命駕千里
子紹晉史本傳

野鶴在雞羣

嵇紹起家為祕書丞王戎曰昨於稠人中始見嵇紹昂又然
若野鶴之在雞羣裴頠曰使延祖為吏部尚書可使天下無
復遺才矣裴頠為侍中 紹字延祖

黎姓

孝行聞於世

黎景熙少以孝行聞於世好讀書強記默識而無應對之能
落魄不事生業有書千餘卷不以飢寒易操後拜著作佐郎
勤於所職著述不怠性尤專固不合於一時一為史官十年
不調終儀同三司北史

汪姓

汪君通

汪州字子玉傳孟氏易建武初為大鴻臚作易通論七篇上
號汪君通易家宗之稱為大儒後儒林傳

齊姓

王佐才

齊濟少開敏年十四見李嶠嶠稱有王佐才中宗在虛靈殿
上言請抑諸武正太子東宮不報及太子還武后召濟宴同
明殿諭曰朕母子如初卿預有力焉方不次待爾及進士第
以拔萃調蒲州司法參軍景雲初姚崇取為監察御史凡劾
奏常先風教號善職開元初為給事中中書舍人 曹本傳

歸姓

對策第一

歸崇敬治禮家學多識容典擢明經天寶中舉博通墳策科
對策第一有詔舉才可宰百里者復策高第授左拾遺 本傳
竄名雷霆之下

歸登舉孝廉高第正元初策賢良為右拾遺裴延齡得幸德

宗欲遂以相右補闕熊執易疏論之以示以示登登曰願竄

吾名雷霆之下君難獨處故同列有所諫正輒署無所回避

轉右補闕起居舍人 本傳

兒姓

帶經

兒寬通尚書以文學應郡舉詣博士受業負無資用常為弟
子都養行常帶經上意則誦習之以試第次補廷尉史後位
至御史大夫 史記

倪姓

課第一

倪若水擢進士第遷監察御史黜陟劾南道繩舉嚴允課第
一開元初為汴州刺史政清淨增修孔子廟與刑縣李善
生徒身為教化風化興行元宗遣中人捕鵠鵠南

水上言帝手詔褒答唐本傳

雲陵集

皇朝倪濤博學能文有操履奉進士擢太常博士遷校書郎
著作佐郎賜對除司勳員外郎遷左司朝廷議有事於雲陵
獨曰毋輕議以貽後患宰相怒曰左司敢沮軍事耶罷監朝
城縣酒稅再謫茶陵造船場有詩文號雲陵集

鄧繡萬花谷續集卷之十三



